

NEWSPAPER CLIPPING
PERDANA LEADERSHIP FOUNDATION

UTUSAN MALAYSIA

DATE: 20/9/2009

Dr. M tidak patut campur tangan

PUTRAJAYA 19 Sept. – Presiden MIC, Datuk Seri S. Samy Vellu meminta bekas Perdana Menteri, Tun Dr. Mahathir Mohamad supaya tidak campur tangan dalam pemilihan calon Barisan Nasional (BN) untuk Pilihan Raya Kecil Dewan Undangan Negeri (DUN) Bagan Pinang bulan depan.

“MIC yakin dengan kebijaksanaan Perdana Menteri (Datuk Seri Najib Tun Razak) dan Timbalan Perdana Menteri (Tan Sri Muhyiddin Yassin, yang juga pengarah pilihan raya BN) dalam memilih calon yang betul untuk kerusi itu.

UM- 20/9/2009
“Perdana Menteri” mempunyai kewibawaan untuk memilih seseorang yang mampu membawa kemenangan kepada BN. Hanya Perdana Menteri mempunyai kata putus mengenai siapa yang patut jadi calon,” kata Samy Vellu kepada *Bernama* semasa diminta mengulas kenyataan Dr. Mahathir semalam.

Bekas Perdana Menteri itu dalam temu bual itu berkata, Tan Sri Mohd Isa Samad tidak patut diletakkan sebagai calon bagi kerusi itu kerana beliau pernah digantung daripada UMNO selama tiga tahun dari Jun 2005 atas

dakwaan terbabit dengan politik wang.

Dr. Mahathir berkata, imej UMNO akan terjejas kerana dianggap tidak serius dalam memerangi politik wang sekiranya masih meletakkan mereka yang sudah didapati bersalah dalam rasuah politik sebagai calon.

Penamaan calon bagi pilihan raya kecil DUN Bagan Pinang ditetapkan pada 3 Oktober dan pengundian pada 11 Oktober. Kerusi itu kosong berikutan kematian penyandanginya, Azman Mohamad Noor dari BN pada 4 September lalu. –BERNAMA